

non ingrata fore putavi. De reliquis Plantis quas desiderasti habebis, si fieri potest, quod credo de plerisque, ipsas radices. Scias tamen, plurium, quas e Belgio accepimus, nobis non esse nisi vnicum indiuiduum, et de his, si modo aestate futura semina maturauerint, in posterum ea habebis. Iam vero simul mitto catalogum aliquot plantarum, quas in horto nostro videre optarem quasque vobis esse scio. Speramus de vestra benignitate, ut hortum nostrum adhuc in incunabilis iacentem ad maturiorem aetatem perducere iuuaturi sitis, et paruulum nostrum plantarum numerum, quantum fieri possit, aucturi; non respicientes ea, quae a nobis accepta aut exspectanda sint. Nostrum vero semper erit quocunque modo gratiam vestram agnoscere, gratosque nos praebere. Valeas, faueas. Dabam Hafniae d. XIV Martii 1766 properante calamo, cui ignoscas.

Polliceris mihi Parentis clavem Medicinae et dissertationem de purgantibus indigenis, de quibus summas TIBI reddo gratias; liceat vero adhuc tertium rogare, nempe dissertationem de Sirena Caroliniana. His tribus si me donare velis, mittas ea quaeso Holmiam ad Dominum Koustrup, Consul et conseiller de commerce du Roy de Dannem. quam prima occasione, summo enim desiderio ea legendi flagro.

(94)* Viro Nobilissimo, Eruditissimo,
 Domino Professore a Linné
 Patrono et amico aestumatissimo
 S. pl. d.
 J. Zoëga.

Ad litteras TVAS humanissimas, acceptissimas, dudum respondi, nisi huc vsque varia me abstinuissent. Vt de hoc TIBI persuadeas, scias Fabricios ambos hoc tempore Hafniam, Parentem et amicos reliquisse, meliores petentes regiones, amicos peregrinos, solidioremque doctrinam quaerentes. Quod Decadum editorem, quem pro voto meo procurare TIBI non potui, Lipsiae acceperis, TIBI gratu-